АЖРИМ

(Даъво аризани кўрмасдан қолдириш тўгрисида)

Каттақўрғон туман

2024 йил 27 март

Каттақўрғон туманлараро иктисодий суди, судья Ж.Юсуповнинг раислигида, судья ёрдамчиси Ж.Сагдуллаевни суд мажлиси котиблигида, Пахтачи туман прокурорининг даъвогар "Абдуллаев Дустмурод Султонович" фермер хўжалиги манфатида жавобгар "Paxtachi Klaster" масъулияти чекланган жамиятиг қўзғатилган анисбатан берган даъво аризаси асосида иктисодий Каттақўрғон туманлараро иқтисодий суди биносида, очиқ суд мажлиси мухокамасида, жавобгар вакили Ш.Рахимов (2024 йил 9 январдаги 5-сонли ишончнома асосида) иштирокида кўриб чиқиб, суд қуйидагиларни

аниклади:

Пахтачи туман прокурорининг даъвогар "Абдуллаев Дустмурод Султонович" фермер хўжалиги (матнда даъвогар деб аталади) Каттақўрғон туманлараро иктисодий судга даъво ариза билан мурожаат килиб, жавобгар "Paxtachi Klaster" масъулияти чекланган жамиятидан 285 986 854 сўм асосий қарз ҳамда 66 006 036 сўм пеня ундиришни сўраган.

Иш муҳокамасининг вақти ва жойи тўғрисида тегишли тартибда хабардор қилинган даъвогар суд мажлисига келмади ва вакил(лар)и иштирокини таъминламади. Бундай ҳолатда суд, Ўзбекистон Республикасининг Иқтисодий процессуал кодекси 170-моддасига асосан, низони даъвогар вакил(лар)и иштирокисиз кўришни лозим топади.

Суд мажлисида иштирок этган жавобгар вакили тарафлар ўртасида медиатив келишув тузилгани боис, даъво аризани кўрмасдан қолдиришни сўради ва судга тарафлар ўртасида тузилган медиатив келишувни тақдим этди.

Суд мажлисида иштирок этган жавобгар вакили томонидан судга такдим этилган аризага тарафлар ўртасида 2024 йил 19 мартда расмийлаштирилган медиатив келишув илова килинган бўлиб, ушбу медиатив келишувни амалга ошириш учун тарафларнинг ўзаро розилиги асосида профессионал медиатор фаолиятини амалга ошришга розилик берган шахс Д.Тухтаева тайинлаган.

Ўзбекистон Республикаси "Медиация тўгрисида"ги Қонуннинг 15-моддасига асосан, медиация суддан ташқари тартибда, низони суд тартибида кўриш жараёнида, суд хужжатини қабул қилиш учун суд алохида хонага (маслахатхонага) киргунига қадар, шунингдек суд хужжатлари ва бошқа органлар ҳужжатларини ижро этиш жараёнида қўлланилиши мумкин.

Тарафлар ўртасида 2024 йил 19 мартда низо бўйича медиация келишуви тузилган, келишув "Абдуллаев Дустмурод Султонович" фермер хўжалиги рахбари З.Абдуллаев ва "Paxtachi Klaster" масъулияти чекланган жамияти рахбари Б.Қўзиев ҳамда медиатор Д.Тўхтаева томонидан имзоланган.

ИПК 107-моддасининг 53-бандига кўра тарафлар ўртасида медиатив келишув тузилган бўлса суд даъво аризасини кўрмасдан қолдиради.

Ўзбекистон Республикасининг "Давлат божи тўгрисида"ги Қонуннинг 18-моддаси 9-бандида, агар тарафлар ўртасида медиатив келишув тузилган бўлса, ариза кўрмасдан қолдирилганда, олдиндан тўлаб чиқилган давлат божи қайтарилиши белгиланган бўлиб, ушбу иш бўйича даъвогар давлат божи тўловидан озод этилгани боис, даъво ариза давлат божи тўловисиз иш юритувига қабул қилинган. Шу сабабли суд, иш бўйича давлат божи ундирмасликни олдиндан тўланган почта харажатини даъвогар зиммасида қолдиришни лозим деб топди.

Суд жавобгар вакилининг фикрини тинглаб, иш хужжатларини ўрганиб, тарафлар ўртасида медиатив келишув имзолангани боис, даъво аризани кўрмасдан қолдиришни лозим деб топди.

Юқоридагиларга асосан ва Ўзбекистон Республикаси Иқтисодий процессуал кодексининг 118, 107-моддасига ва 195-моддасига асосан суд

ажрим қилди:

Пахтачи туман прокурорининг даъвогар "Абдуллаев Дустмурод Султонович" фермер хужалиги манфатида жавобгар "Paxtachi Klaster" масъулияти чекланган жамиятига нисбатан берган даъво аризаси курмасдан колдирилсин.

Олдиндан тўлаб чиқилган 34 000 сўм почта харажати даъвогар зиммасида қолдирилсин.

Ажримдан норози бўлган тарафлар Каттақўрғон туманлараро иқтисодий суди орқали Самарқанд вилоят судига бир ойлик муддат ичида апелляция тартибида шикоят қилиниши (протест келтириш) мумкин.

Судья Ж.Юсупов

